

Авсн даалгъвран сәәнәр кўцәджәнә

Одахн „Буратинск“ совхозд партийн болн профсоюзн хург болв. Тер хургт, авсн даалгъврн кўцлтин тускар төр тәвдж кўүндвр болв. Тиигәд, альк ферм, хөбчнр, ўкрчнр болн саальчнр өмн нўүрт йовхинь хәләдж батрав.

Социалистическ дөрлдәнд гурвдгч ферм тўрүн нўүрт йовна гидж темдглгдв. Эн ферм хөбдән сәәнәр хургълулдж, хургъдан эрүл-дорул авч, нег чигн гару угагъар хәләджәнә. Эн совхозин 2-ч ферм эврәннь кесн, кўцәсн көдлмшәрн хойрдгч орм эзлв. Гурвдгч фермиг, сән кўцлмүдтә көдлмшәрнь хәләдж, Улан тугар ачлв.

Хөбчнр дундас, ах хөбч ўр Манджиев зун хөбнәс зун хөрн долан хургъ авч, ах хөбч ўр Шургучиев—зун хөбнәс зун хөрн дөрвн хургъ авч, эн хөбчин хөбднь цугъарн хургълчксн бәәнә. Ах хөбчнр ўүрмүд Гавардашвили, Шептуха, Таджаев, Маток, Эрдниев, Каймульдинов, Патерик, Емельяненко болн нань чигн кесг хөбчнр зун хөбнәс 110—124 хургъ авсн бәәцхәнә. Гарсн хургъдан эдн нег чигн гару угагъар хәләдж, хадгълдж өсгджәнә.

— Саалин ўкрмүд хәрүлдж йовх ах ўкрч ўр Убушиев, саальчнр Корносова, Елынки-

на, Кривцова, Убушиева болн бўрүс харүлдж йовх ах ўкрч ўр Молоканов бас сәәнәр көдлдж йовцхана.

Көдлмшәрн сән кўцлмүдтә Манджиевин болн Эрдниевин бригадс минъгъәгъәд арслнъгар мөрәлгдцхәв, Шептухин болн Каймульдиновин бригадс тавад зун арслнъгар мөрәлгдцхәв. Ўүрмүд Шургучиев, Бережный, Таджаев, Патерик, Гавардашвили, Молоканов, Емельяненко болн нань чигн улс кўндтә грамотсар ачлгдцхав.

Ода хөд, хургъд хәләхд йир сән цаг ирв, идгин ногъан сән, цаг дулан, хургъдта хөбдт хот-хол болн концентрат болн дулан хаша-хаац бәәнә, зуг эврәннь цогцан хәәрллго, өдр сө гилго хәләдж йовх кергтә.

Хөд болн бод малмудиг усар тетгх кергт хуучн худгудиг йўудж, ясдж шинәс худгуд малтдж белн кехвдн гидж шиидвдн. Эн хамгиг цаглань кўцәдж төгсәхлә, цуг хөд болн бод малмуд сән усар теткгдджәнә.

Эн деер келгдсн төрмүдиг меддж авч, хөбчнр, ўкрчнр болн цуг совхозин көдлмшчнр шунмгъа кевәр көдлдж, бийдән авсн даалгъвран чинртәгъәр кўцәх мөн.

Ах зоотехник САМТОНОВ Сампа,
„Буратинский“ совхоз.